

# CHALAN I KILUUS



*(Kanta): Gi Chalan i Kilu'os-mu ~ gigo yan is Maria ~ boi hu tangse hao, Jesus-hu, yan i isao-hu siha. Ma'atani gi kilu'os, sa un na ke'libre yu; ~ fatan maisa hao as Yu'os ~ O Jesus, asi'i yu.*

## **CHALAN I KILUUS**

Pot i Siñat i Santos Kilu'os na'fanlibri ham gi inimigon-mami, Yu'os Sainan-mami; gi Na'an Yu'os Tata, i Lahi'ña, yan i Espirito Santo. Amen.

**MOFANA NA TINAYUYUT.** O Jesus na guinaiyako! Gogue yu ni grasio, ya e antiho ufañule milalak na minaulek guine na Hinanaoho gi Chalan i Kiluus ne e malago hupokate. Fatinas lokue na hugana e induljensia siha na manmanane ayu siha e gumefchogue ini na Tinayuyut; ya na fañila gi korasonho e fehman na sinetsot na huisague hao.

## **FINENANA NA ESTASION**



## **ANAE MASENTENSIA NA UMAPUNO I SAENATA**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumen-osgon hao anae masangane na masentensia hao na un-maatane gi kiluus. Na tungu yo umosgon gi pinto Yuus.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## II (MINA DOS) NA ESTASION



### **ANAE MANAAPAGAYE SI JESUS NU I KILUUS**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumen-mesgnon hao anae manaapagaye ne kiluus. Fatinas na ti huugunge si Yuus yagin hasapet yo.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## III (MINA TRES) NA ESTASION



### **ANAE BASNAG SI JESUS FINENANA NA BIAHE**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumenpinite hao anae podong hao yan e kiluus. Fatinas na e antiho uhokog pinitiña nu e umisao.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## IV (MINA KUATRO) NA ESTASION



### **ANAE UMASODA SI JESUS YAN SI MARIA**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumen-didog e pinitimo anae unlie na pinite e Sinantusan Nanamo. Fatinas na hunaké-magof gue, ya hufa nana-hu yan hugoflie gue.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## V (MINA SINKO) NA ESTASION



### **ANAE SI JESUS INAYDA NU I SIRINEO**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Inayuda hao as Sereneo guato gi chalan e Kalbario; Fatinas na hudalalake gue, ya hupinitiye siha e chinatsaga yan e chiniget e tiguangho siha.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## VI (MINA SIAS) NA ESTASION



### SI BERONIKA HASAOSAO I MATAN JESUKRISTO

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ni unnamatatnga si Beronika anae sinaosague hao ne sinantusan Matamo ne kahaga. Namatatnga yo ya hufatan maisa yo disipulumo mano ha nae gaige yo, ya huchatlie e chatsinangan e taotao tano siha.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## VII (MINA SIETE) NA ESTASION



### MINA DOS PODONGÑA SI JESUS

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumen-dangkulo mineresimo anae podong hao talo. Nakahulo yo guse, yagin pot e inaleho, podong yu gi isao.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## VIII (MINA OCHO) NA ESTASION



### **SI JESUS HAADINGANE I FAMALAOAN JERUSALEN**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ne e unmamise pumagat e famalaoan Jersalen. Nadalalake yo nu hago, ya humamise pumagat ya hugoflie e manechetan na teguanghu siha.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## IX (MINA NUEBE) NA ESTASION



### **ANAI I SAENTA PODONGÑA MINA TRES**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ne e podong mina tres gi eda gi papa e kiluus. Nahaso yu e minegai na pinedongho ge isao; ya nagaihinalom yo, ya huchogue e manna-fañotsot na finatinas.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## X (MINA DIES) NA ESTASION



### **ANAE MAPULAGUAN I SAENATA NI MAGAGUÑA**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ti sanganon e minamahlaomo anae malie hao na tai-magago gi menan e linahyan taotao. Fatninas na huguaeya e Santos na ginasgas hinalom.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## XI (MINA ONSE) NA ESTASION



### **ANAE MAATANE GI KILUUS I SAENATA**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ne e sinapet nu e lalaet yan e binakle, ya maatne ge kiluus. Nae yo minetgotto, ya husapet yan huchomañaihon is sensenso.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...

## XII (MINA DOSE) NA ESTASION



### **ANAE MATAI I SAENATA GI KILUUS**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Ne e unaennaihon e haanimo, anae maatane yan maiteng gi kiluus. Fatinas na hunamaoleg inepeko nu hago ya hunapenas e ginefliemo nu guaho ya hugoflie hao nu todo e hinalomho.

**Asaena umisao yo, Gaiase nu guaho.**

Tatanmame, ... Si Yu'us unginegue Maria, ... Umatuna i Tata ...

## XIII (MINA TRESE) NA ESTASION



### **ANAE SI SANTA MARIA HACHAHLAO I MATAI NA TATAOTAO JESUS**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Sumen-mahalang e Sensantos na Nanamo anae sinasade hao gi kanaiña. Nahinatme e antiho nu e magahet na inangoko gi gineguen enao e mames na Nana.

**Asaena umisao yo, Gaiase nu guaho.**

Tatanmame, ... Si Yu'us unginegue Maria, ... Umatuna i Tata ...



## XIV (MINA KUATOSE) NA ESTASION



### **ANAE MAHAFOT I TATAOTAO I SAENATA**

**Inadora hao Jesukristo ya inbendsi hao.**

Sa pot i Santos kiluusmo unnalibre i tano.

O Jesus na guinaeyako! Fatinas na hudalalake e madingumo yan e pineble ni e unfanague yo gi Naftanmo; ya siha uhanahago yon i namagof na linala talo.

**Asaena umisao yo, Gaiase nu guaho.**

Tatanmame, ... Si Yu'us ungingue Maria, ... Umatuna i Tata ...



### **MAN NGINGE' I SINKO NA DINILOK**

1. Fine'nana na dinilok ~ Hu nginge' hao, chetnot e akague na adeng Jesukristo; ya hugagao e Saenaho na unalalala e hinenggeko.

*Tatanmame, ... Si Yu'us ungingue Maria, ... Umatuna i Tata ...*

2. Mina dos na dinilok ~ Hu nginge' hao, chetnot e agapa na adeng Jesukristo; ya hugagao e Saenaho na unalafehman e inangokoko nu guiya.

*Tatanmame, ... Si Yu'us ungingue Maria, ... Umatuna i Tata ...*

3. Mina tres na dinilok ~ Hu nginge' hao, chetnot e akague na kanai Jesukristo; ya hugagao e Saenaho na unahahanon e gineflieho nu guiya.

*Tatanmame, ... Si Yu'us ungingue Maria, ... Umatuna i Tata ...*

4. Mina kuarto na dinilok ~ Hu nginge' hao, chetnot e agapa na kanai Jesukristo; ya hugagao e Saenaho na upolo yo gi agapa na echongnaña gi haanen e huisio.

*Tatanmame, ... Si Yu'us ungingue Maria, ... Umatuna i Tata ...*

5. Mina sinko na dinilok ~ Hu nginge' hao, chetnot e kalaguag Jesukristo; ya hugagagao e Saenaho na e koranho ufataiguihe e korsaña.

*Tatanmame, ... Si Yu'us ungingue Maria, ... Umatuna i Tata ...*

\*\*\*\*\*

Intension para i Santo Papa

*Tatanmame, ... Si Yu'us ungingue Maria, ... Umatuna i Tata ...*

Intension para i animas giya putgatorio

*Tatanmame, ... Si Yu'us ungingue Maria,*

V/. Na fan mahgong e taihinekok minahgong-niha Asaina.

**R/. Ya e ti mamatai na minaak u fan inina.**

V/. Ya u fanaga gi minahgong.

**R/. Taiguenao mohon.**

**Santos na Yu'us, Santos na Metgot, Santos na ti Mamatai, na fan libre ham nui tailaye (3x)**

**Todo: Uma'geftuna e sinantusan sakramenton e attat, yan e tailamen na konsepsion e Bithen as Maria, Nanan Yu'us ni mamapotge'naihon tai'isao orihinat, anai ha tutuhon huma'ani, Umageftuna, Amen.**

V/. Abe Maria Purisima      **R/. Sin pekãdo konsebida**

**Todo: Abe Maria Bula Hao Gracia**



*J lumala'ña talo i Saenata as  
Jesukristo*

1. **ASAINA JESUKRISTO** sen Yu'us yan taotao  
Asi'e'yu Jesus'hu, sa hu'gof li'e Hao, sa hu'gof li'e Hao

Hayi sina un'li'e, gi Santos Kilu'os  
Makakana gi lilok, i sen lahen Yu'us

Mañotsot gef mañotsot, piniti'yu manpos  
Sa i i'nisa'gue'ku, i mames na Jesus (Asaina...)

Fa'ngasao acho siha, O tasi, kasao hao  
Sa i ku'meke matai, Yu'us gue yan Taotao

Na ma'asi na ante, maila ya un saonao  
Sa seso hao un'chogue, man makat na isao (Asaina...)

Tuma'nges i Saina'ta, a'nai ma kakana  
Ya a'yo i ta ngesña, hine'ngok as Nana

I milalag i lago, ti siña ma'nana  
Ai, gai'asi nu hami, Yo'ase na Saina (Asaina...)

2. **JESUS LAHEN YUUS** ni lumibre i tano  
Pute yu, Asaena; ai, gaiase nu guaho  
Jesus ni masaulag ya makorona lagtos.  
Jesus ni masapet ya matai pot i taotao.  
Kumasao yan tumanges i mames na Nanamo  
Pinino gineflie Jesus, i finataimo

### 3. **JESUS TATA'HU MAMES**, i mina safo'yu

KORU: Gof didok i piniti'hu, gof didok i piniti'hu  
Jesus asi'e'yu, Jesus asi'e'yu

- Gi menan i kilu'os, mañotsot puti'yu (Koru)
- Si Yu'us ma'atani, ya ti tu'manges'yu (Koru)
- Hu'mom'hom i ha'ane, sa ti mañotsot'yu (Koru)
- Mañelu'hu, tayuyute, tayuyute'gue gi misa (Koru)
- Bithen Del Carmen, ma'ase, gai'mina'asi nu gue'ya (Koru)
- Ma'asi'e, ma'asi'e, ma'asi'e gue Yu'us'hu (Koru)

### 4. **JESUS MIINAASE**, ni matai pot guaho;

*Maase, Tataho, nu i patgonmo*

Jesus, gos baba yu, kalan i anite;

lao sumen pinite, nu i isaohu.

I anget hudingo, huyute si Yuus;

lao mames na Yuus, maasie yo.

I patgon umisao; masapet i Tata;

atan i Saenata, matai mapuno.

I dos atadogko esta kumakasao

sa pefno i isao ya sen dangkulo.

**GINEN HUNAMANANA**

**I YUUS NA PASTOT**

**MAILA GEMANOTSOT**

**UMISAO YO GOS MAKAT**

**GAIASE NU GUAHO, JESUS**

10. **ATITUYE KELIS'YANO**, i sinantos Kilu'os  
A'nai matai ma'atani, i magahet na Yu'us  
Mames lulok - mames hayu, i u'muma si Jesus (ripiti)  
U'ngak papa i ramas'mu, sinantusan na hayu  
Ya hu'toktok yan hu'chiko, enao i gu'maiya'yu  
Mames Taotao - mames Yu'us, i Mina'kahaya yo (ripiti)

O Kilu'os Jesu Kristo, na un na'fanlala ham  
Saga gi echong'nan mame, gin mañ'ngeke matai ham  
Mames Gachong - mames Abok, enao i sumatba ham (ripiti)

## **I SIETE NA FINIHO VIA CRUSIS – CHALAN I KILUUS**

15. **GI CHALAN I KILU'OS'MU**, gigo yan si Maria  
Bai'hu tang'si Hao Jesus'hu, yan i isao'hu siha

KORU: Ma'atani gi Kilu'os sa un'na ke'libre'yu  
Fatan maisa Hao na Yu'us, O Jesus asi'e'yu

1. Si Pilatos hana'matai, i tai'isao as Jesus  
Enao mina esta matai, pot i taotao si Yu'us (Koru)

2. Si Jesus ha'apaga'yi, i gof makat na hayu  
Guahu'yu ha kumatga'yi, guahu'ha numa'layao (Koru)

3. Podong si Jesus gi tano, mahgef nu i katga'ña  
Piniti'yi, kilisyanu, nu i chinatsaga'ña (Koru)

4. Si Jesus yan si Maria, man'piniti gi chalan  
Atan siha, yanggen siña, sa sen didok mahalang (Koru)

5. Ya'fai i Na'na'librita, inima'yi as Simon  
Ada taya giya hita, hayi uga'chongñaihon (Koru)

6. Si Veronica sumasao, i edda na mata'ña  
Nina'hoplad nu i taotao, sa i pinalacha'ña (Koru)

7. Ni'neknok i Satbadot'ta, nu i i'nimama'ña  
Ti lina'ngak i isao'ta, nu i nina'siña'na (Koru)

8. Ham'yu, famalaoan Juda, tangse i isao mi'yu  
I Haga'hu ni huchuda, funas gi ha'en mi'yu (Koru)

9. Kana matai i Saina'ta, ya poddong gueni talo  
Sa i baba na bida'ta, fuma'baba i palo (Koru)

10. Mana'kesnuda i Saina, Bithen Lahen Maria  
I baba na fina'tinas, mu'na mamahlao siha (Koru)

11. Man'nai'ase, ma'atani ni tres lulok si Jesus  
I kanai'hu muna'ha'ane, enao para si Yu'us (Koru)

12. Ma'lak'ngus gi tataotao'na, i yini'us ante'ña  
Gi makat na hinanao'na, guahu'ha piniti'na (Koru)

13. Ada guaha gi tano'ta, piniti kalan ini  
I Nanan i Satbadot'ta, su'masade'gue guine (Koru)

14. Si Maria ma'chu'leguan, nu i tataotao Jesus  
Na'ma'ase na palaoan enao i Nanan Yu'us (Koru)

## **SINANTUSAN, KILISYANO**

**DIMUYE MAN HENG'GI** i Santos Kilu'os  
Adora si Yu'us ni matai gue'hi

~Dichoso i ante ni gaigi gi'fi'on  
sen gofli'e'on, i Na'na'libre (Dimuye...)

~Teku'ne man'isao i Santos Kilu'os  
I mames na Yu'us mapuno gue'hi (Dimuye...)

~Gi Santos Kilu'os i peb'blen i ante'hu  
Yan i ha'ani'hu bai na'linang'le (Dimuye...)

~Ti siña ta yuti enao na senat'ta  
Anai i Tata'tau'makalayi (Dimuye...)